

EKITUNDU 3

ABAWANGIZI

EKYA WAKATI

Olw'ekibala
Ky'omwoyo



Ekyawakati




EKYA WAKATI

Ekitabo ky'omuyizi


OKUFUUKA ABAWANGUZI ...

... ggwe nange tulina okuyiga
okuwangaalira ku kibala ky'Omwoyo
ate nga bwe tulwanyisa ebyonoono
byaffe buli lukedde.

Guno si mulimu mwangu era
gwetaagisa amaanyi, ebiseera,
okutuuyana n'okutendekebwa okwa
waggulu.




NAYE, OKUWANGULA, OJJA KWETAAGA OMUTENDESI.



Jjangu mu kibiina kino buli ssabbiiti
okajjuze, otendekebwe era owlirize
omutendesi wo. Yiga olunyiriri
lw'okujjukira, owlirize olugero
lwa Baibuli ate ofune obuyambi
okuwangula ekibi ekilwanyisa omutima
gwo n'obulamu bwo.

Awo mu ssabbiiti, yingira mu lingi osbole
okuteeka buli ssomo mu nkola mu bulamu
bwo. Buli lw'onakolanga akalimu akali mu
kasanduuko akatumiddwa "Mu Lingi", ojja
kuba nga okasuse eng'uumi enzito eri ekibi.




SIGALA NG'OLWANA OSOBOLÉ OKUSINGA EMPAKA ERA OFUUKE OMUWANGUZI!



OKUKKIRIZA VS OKUSINZA EBIFAANANYI



Olugero Lwa Baibuli : Eryato likwatibwa

1 Samwiri 5:1-12, 6, 7:3




Olunyiriri Lw'okujjukra

“Tweekoleranga ekifaananyi ekyole, newakubadde ekifaananyi eky'ekintu kyonna kyonna, ekiri waggulu mu ggulu, newakubadde ekiri wansi ku ttaka, newakubadde ekiri mu mazzi agali wansi w'ettaka.” Okuva 20:4



MU LINGI

Funayo omukolo oba ekikolwa kyonna OGAANE okukyenyigiramu kuba kirimu okusinza ekitali Katonda. Eyinza okuba ennono y'okuggyamu engato, oba ebijaguzo, omuzannyo oba obutagula bimuli ng'abalala babiguze.






OKUKKIRIZA VS OBUTALI BWESIMBU

Olugero Lwa Baibuli : Saddulaaki, Mesaki ne Abeduneego
Danyeri 3:1-21




Olunyiriri Lw'okujukira

"Onjigirizenga ekkubo lyo, ai Mukama; naatambuliranga mu mazima go: Ogatte wamu omutima gwange gutye erinnya lyo."
Zabbuli 86:11



MU LINGI

Funa akadde wiiki eno oyatule mu lwaatu ku ssomero oba mu kitundu kyammwe nti oli Mukristaayo era okkiriza Yesu Kristu. Oluvannyuma kolayo akabaga akatonotono olw'okuba nti obadde mwesimbu yadde wabaddewo abakutadde ku bunkenke.



OKUKKIRIZA VS OKUSIKATTIRA

Olugero Lwa Baibuli : Katonda ayita Samwiri
1 Samwiri 3:1-21

Olunyiriri Lw'okujjukira

"Okukkiriza kye kinyweza ebisuubirwa, kye kitegeereza ddala ebigambo ebitalabika."

Abaebbulaniya 11:1





Nsobola
okulinda
mpaka ku
nkomerero
okulaba
abalala kiki
kye bakola?



MU LINGI

Saba Katonda ayogere naawe wiiki eno era okulagire eky'okukola. Beera nga weeyigiriza okumugondera amangu ddala nga tosikattidde. Singa weerabira n'otamwanukulirawo, musabe akwongere akalala.






OKUKKIRIZA VS OBUJEEMU

Olugero Lwa Baibuli : Abakessi mu Kanani

Okubala 13:1-3, 17-33, 14:1-11



Olunyiriri Lw'okujjukira

"Musa n'agamba nti Kaakano musobeza
ki ekiragiro kya Mukama, kubanga
tekiibe na mukisa?"

Okubala 14:41




MU LINGI

Londa emirimu 2 okuva ewa Katonda egy'okukola wiiki eno. Ekisooka kibeere
ekyo Katonda kye YAKUGAANA okukola era ekyokubiri kibeere ekyo Katonda
kye yakugamba okukola. Gondera Katonda mu bintu bino byombi osobole
okuwangula obujeemu.



OKUKKIRIZA VS OKUMMA

Olugero Lwa Baibuli : Ibulayimu ne Isaaka
Olubereberye 22: 1-18



Olunyiriri Lw'okujjukira


"Era awataba kukkiriza tekiyinzika kusiimibwa: kubanga ajja eri Katonda kimugwanira okukkiriza nga Katonda waali, era nga ye mugabi w'empeera eri abo abamunoonya."

Abaebbulaniya 11:6



MU LINGI

Waliwo ekintu kyonna Katonda ky'akugamba okuvaaka wiiki eno? Twala akadde okirowoozeeko era omusabe akuwe obuvumu okukivaako okumala akaseera. Ayinza kuba caayi, Facebook oba emmere gy'singa okwagala. Okuwangula olulwana luno salawo okukivaako okumala wiiki nnamba.



OKUKKIRIZA VS OBUTEE SIGIKA

Olugero Lwa Baibuli : Nuuwa n'eryato

Olubereberye 5:32, 6:1-22, 7:1-12

Olunyiriri Lw'okujukira


"Naye muntu alyogera nti
Ggwe olina okukkiriza,
nange nnina ebikolwa:
ndaga okukkiriza kwo
awatali bikolwa byo,
nange olwebikolwa byange
ndikulaga okukkiriza
kwange."

Yakobo 2:18



MU LINGI

Londa ekintu mu bulamu bwo ky'ogenda okubeeramu omwesigwa. Funa ekintu ky'ogenda okukolera Katonda olunaku lumu mu wiiki eno era okakase nti oli mwesigwa mu kyo. Bw'okimaliriza funayo ekirala era osalewo olunaku lw'ogenda okukikola. Kakasa nti otuukiriza ekisubizo kyo.



OKUKKIRIZA VS OKUBUUSABUUSA

Olugero Lwa Baibuli : Yesu alabikira Tomasi
Yokaana 20:24-31

Olunyiriri Lw'okujukira


"Yesu n'amugamba nti
Kubanga ondabye, kyovudde
okkiriza; balina omukisa
abakkiriza nga tebaliko kye
balabye."

Yokaana 20:29



MU LINGI

Salawo okukkiriza Katonda mu kintu kye yakusuubiza yadde kiringa ekitasoboka. Gamba Katonda nti oli mwetegefu okulinda mpaka nga amalirizza okutuukiriza ekisuubizo kye. Okulaga obumalirivu bwo, genda osimbe mu lukalala lw'abantu w'totalina kubeera! Wandiika eddakiika mmeka z'omaze ng'oyimiridde mu lukalala luno era otegeeze omutendesi wo.



OBUWOMBEEFU VS ENJAWUKANA

Olugero Lwa Baibuli : Ibulayimu ne Lutti baawukana
Olubereberye 13:1-18




Olunyiriri Lw'okujukira

“N’obukkakkamu bwonna
n’obuwombeefu, n’okugumiikiriza, nga
muzibiikirizagananga mu kwagalana.”


Abafeeso 4:2

Nze ndi
wa bulabe
okukusinga !!
Hahaha!!



MU LINGI


Leka munno awangule singa muba temukkaanyizza ku nsong'a. Oyinza
okulemererwa okukkanya n'omuntu naye weewale okuyomba naye ku nsong'a eyo.
Muleke agende n'ekyo ky'akkiririzaamu.



OBUWOMBEEFU VS ENNONO

Olugero Lwa Baibuli : Obuyonjo n'obukyafu


Matayo 15:1-20



Olunyiriri Lw'okujukira

"Temuleetanga ekyesittaza eri Abayudaaya, newakubadde eri Abayonaani, newakubadde eri ekkanisa ya Katonda: era nga nange bwe nsanyusabonna mu byonna nga sinoonya magoba gange nze, wabula ag'abangi; balyoke balokoke."

1 Abakkolino 10:32-33



MU LINGI

Salawo okuba ow'ekisa mu kifo ky'okulemera ku nnono zammwe. Okugeza, salawo okugumiikiriza embeera omuntu gy'alimu n'ensonga lwaki amenye ennono era oleme kukyogerako. Kakasa nti toyisa bubi muntu yenna era teweemulisaako ttaala bantu kukulaba.





OBUWOMBEEFU VS OBUKAAWU

Olugero Lwa Baibuli : Kayini ne Abiri
Olubereberye 4:1-16

Olunyiriri Lw'okujjukira


"Okukaawa kwonna n'obusungu n'obukambwe n'okukaayana n'okuvuma bibavengako, awamu n'ettima lyonna."

Abaafeeso 4:31



MU LINGI

Funayo omuntu gwe wanyigira omusonyiwe. Funa akadde mu ssaala oyatule nti,
"Nkusonyiye."




OKWEGENDEREZA VS OKUKEMEBWA

Olugero Lwa Baibuli : Yesu akemebwa
Matayo 4:1-11

Olunyiriri Lw'okujukira

"Siwali kukema okubakwata okutali kwa bantu: naye Katonda mwesigwa, ataabaganyenga kukemebwa okusinga bwe muzinza; naye awamu n'okukemebwa era anassangawo n'obuddukiro; mulyoke muzinzenga okugumiikiriza."

1 Abakkolins 10:13




MU LINGI

Lwanyisa era owangule ekikemo kimu. Bwe kiba kisoboka naawe kozesa ebyawandiikibwa nga Yesu bwe yakola. Fuga obwagazi bwo era tokkiriza kugwa mu nsobi.



OKWEGENDEREZA VS OKULIMBA

Olugero Lwa Baibuli : Yakobo abba omukisa gwa Esawu
Olubereberye 27:1-36




Olunyiriri Lw'okujukira

“Olulimi olulimba lukyawa abo be lwafumita; N’akamwa akanyumiriza kaleeta okuzikirira.”

Engero 26:28


MU LINGI

Buli muntu ayogera obulimba ne bwe kaba katono nnyo. Jjukira omuntu gwe walimba ku ntandikwa y’omwaka guno era ogende gy’ali omubuulire amazima era omwetondere.





OKWEGENDEREZA VS OBUGAYAAVU

Olugero Lwa Baibuli : Abazimbi abagezi n'abasiru
Matayo 7:24-27



Olunyiriri Lw'okujukira

"Kale amanya okukola obulungi n'atakola,
kye kibi eri oyo." Yakobo 4:17




MU LINGI

Lwanyisa obugayaavu wiiki eno ng'oyita mu kukola ekintu ky'otayagala kukola.
Kakasa nti okimaliriza era owe obujulizi eri mukwano gwo.

TOMALA
KUSABA
KATONDA
OKULONGOOSA
EKISENGE
KYO OBA
ENNYUMBA.

KIKOLE
BUKOZI.

"Naye mubeerenga bakozi,
ba kigambo, so si bawulizi buwulizi,
nga mwerimbalimba." Yakobo 1:22



Champions 3 Medium
Luganda



20021

www.ChildrenAreImportant.com
info@childrenareimportant.com
Tusangibwa mu Mexico

Abaana
Kikulu